



Број: 03/1-50-14-7-20/26

Сарајево, 8. 7. 2026.

PRIMLJENO: 23-07-2026			
Organizaciona jedinica	Klasifikaciona oznaka	Redni broj	Broj priloga
03/1-50-14-7-20/26			

ЧЛАНОВИМА ЗАЈЕДНИЧКЕ КОМИСИЈЕ ЗА ОДБРАНУ И СИГУРНОСТ БиХ:

JASMINU IMAMOVIĆU, MARINI PENDEŠ, DARKU BABALJU, MILANU DUNOVIĆU, SLAVKU MATIĆU, ŽELIMIRU NEŠKOVIĆU, SANJI VULIĆ, ŠERIFU ŠPAGI, KEMALU ADEMOVIĆU, SREDOJU NOVIĆU, ZDENKU ČOSIĆU, SAFETU SOFTIĆU

PREDMET: Informacija o terenskoj posjeti članova Zajedničke komisije za odbranu i sigurnost BiH jedinicama i komandama Oružanih snaga BiH

Zajednička komisija za odbranu i sigurnost BiH, u svojstvu nadležne komisije Parlamentarne skupštine BiH i u skladu sa usvojenim Orijentacionim radnim planom za 2026. godinu, posjetila je 2. 7. 2026. Komandu 5. pješadijske brigade Oružanih snaga BiH, stacioniranu u kasarni „Dubrave“ u Tuzli.

U terenskom obilasku i radnoj posjeti jedinicama i komandi učestvovali su: Jasmin Imamović, predsjedavajući, Slavko Matić, član Zajedničke komisije, Boško Šiljegović, parlamentarni vojni povjerenik BiH, Josip Zovko i Sanja Čavarkapa, stručni savjetnici u Uredu sekretara Zajedničke komisije. Također, uz delegaciju Zajedničke komisije za odbranu i sigurnost BiH u terenskoj posjeti su učestvovali i predstavnici Misije OSCE-a u BiH i Štaba NATO-a Sarajevo.

Radna posjeta članova Zajedničke komisije za odbranu i sigurnost BiH realizirana je uz podršku Misije OSCE-a u BiH s ciljem unapređenja demokratske kontrole i parlamentarnog nadzora sektora odbrane i sigurnosti.

Predsjedavajući Zajedničke komisije za odbranu i sigurnost BiH Jasmin Imamović predstavio je ciljeve radne posjete, istaknuvši da Zajednička komisija, u okviru nadležnosti, želi neposredno sagledati stanje u Komandi 5. pješadijske brigade OSBiH, kao i u drugim jedinicama razmještenim na ovoj lokaciji, te razgovarati o pitanjima koja se odnose na personalnu popunjenost, obuku, logističku podršku, infrastrukturu, skladištenje naoružanja i vojne opreme, kao i o uslovima rada i međuljudskim odnosima među pripadnicima OSBiH.

Domaćin posjete bio je brigadni general Fahir Žilić, komandant 5. pješadijske brigade OSBiH. Sastanku su prisustvovali načelnik Zajedničkog štaba OSBiH generalpukovnik Gojko Knežević, zamjenik komandanta Operativne komande OSBiH brigadni general Nebojša

Bošnjak, pomoćnik ministra odbrane BiH Dženan Redžo, te oficiri Komande 5. pješadijske brigade OSBiH.

Informativni brifing o organizaciji i radu Komande 5. pješadijske brigade Oružanih snaga BiH održao je pukovnik Ilija Mikić. Tokom brifinga predstavljena je organizaciona struktura brigade, razmještaj jedinica, stanje popunjenosti personalom, realizacija obuke i međunarodnih aktivnosti, logistička podrška te ukupna operativna spremnost jedinica.

Posebnu pažnju posvetio je izazovima s kojima se susreću pripadnici OSBiH, uključujući nedovoljna primanja, potrebu za unapređenjem materijalnog statusa vojnika kroz povećanje plaća i odgovarajućih naknada na plaću u toku vježbi, potrebu za modernizacijom naoružanja i vojne opreme te unapređenjem osnovne infrastrukture i uslova života i rada pripadnika brigade.

Istaknuo je da značajan izazov predstavljaju manjak osnovne opreme kao što su vojne uniforme, neoperativnost dijela teretnih motornih vozila, kao i poteškoće u održavanju lokacije i provođenju postupaka javnih i hitnih nabavki, uz neusvajanje budžeta institucija BiH, što otežava pravovremeno osiguravanje potrebnih materijalno-tehničkih sredstava i realizaciju planiranih aktivnosti.

Istaknuto je da se, uprkos navedenim izazovima, zadaci izvršavaju profesionalno i odgovorno, o čemu svjedoči uspješna realizacija redovnih aktivnosti, obuke i učešća pripadnika brigade u međunarodnim vojnim vježbama. Naglašena je potreba za kontinuiranim ulaganjima u ljudske resurse, opremu i infrastrukturu, s ciljem održavanja operativnih sposobnosti OSBiH.

Tokom terenske posjete članovi Zajedničke komisije i parlamentarni vojni povjerenik BiH obišli su lokaciju kasarne, te posjetili Oklopni bataljon, ABHO četvu, Izviđačku četvu i 5. bataljon logističke podrške Oružanih snaga BiH. U svakoj od navedenih jedinica održan je kratak brifing tokom kojeg su upoznati s njihovom organizacijom, trenutnim stanjem, aktivnostima i izazovima u izvršavanju zadataka.



Predsjedavajući Zajedničke komisije
Jasmin Imamović

Dostavljeno:

- naslovu
- a/a